



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Concilivm Pisanvm Contra Pseudopapam Indictvm anno Domini MCXXXIV.
tempore Innocentii papae secundi.

urn:nbn:de:hbz:466:1-15588

ANNO CHRISTI 1132.
a
CONCILIVM PLACENTIVM
ADVERSVS ANACLETVM PSEVDOPAPAM
celebratum anno MCXXXII. sub Innocentio papa
secundo.

NOTA.

* *Concilium.*] Petrus Cluniacensis lib. 3. epistolarum meminit huius Concilii breuiter tantum his verbis: *Recedens Gallia Innocentius, venturus Romam, transiens per sanctum Egidium, & per montem * Genua, fines Longobardia intrauit, & apud Astam solennitate resurrectionis dominice celebrata, Placentiam venit. Ibi inuocatis episcopis, & aliis ecclesiarum prelatis, tam de Longobardia, quam de Rauennatenſi prouincia, & marchia inferioris partis, tertium Concilium celebrauit.* Ad hæc peragenda multum temporis inſumptum eſſe dubitare nemo poteſt. Ad conſolidandam enim titubantem eccleſiam ciſalpinam, Concilium ab Innocentio papa habitum, & ibi diutius immoratum oportuit. Porro huius Concilii non niſi hanc tantummodo breuem mentionem inuenire potuimus.

ANNO CHRISTI 1134.
a
CONCILIVM PISANVM
CONTRA PSEVDOPAPAM INDICTVM
anno Domini MCXXXIV. tempore Innocentii papæ
ſecundi.

NOTA.

* *Concilium.*] De hoc iſta Bernardus abbas Bonauallis in vita ſancti Bernardi: *Innocentius rurfus Piſas reuertitur, ibique aggregatis totius occidentis epiſcopis, aliſque religioſis uiris, magna gloria Synodus celebratur. Adſuit per omnia & conſiliis & iudiciis & definitionibus omnibus ſanctus Bernardus abbas, impendebaturque ei reuerentia ab omnibus, & excubabant ante eius limina ſacerdotes, non quod faſtus, ſed multitudo communem prohiberet accessum: & aliis egredientibus alii introibant, ita ut videretur vir humilis, & nihil ſibi de hiſ honoribus arrogans, non eſſe in parte ſolicitudinis, ſed in plenitudine poteſtatis. Actiones Concilii longum eſt proſequi, ſumma tamen in excommunicatione Petri, & irregreſſibili fautorum eius deiectioe conſtitit, & uſque hodie hæc ſententia perſeuerat.* Hæc tantum ipſe de tam magno Concilio.

Vita ſancti Bernardi, lib. 2. cap. 2.

Antipapa condemnatur,

Res in hac Synodo geſtas Robertus continuator Sigeberti pauciſſimis verbis hiſce commemorat: *Petro, antipapa, ob parentele ſua fortitudinem apud ſanctum Petrum commorante, Innocentius Roma*
Concil. Tom. 27.

egressus in Gallias proficiscitur, & Gallicana sibi adherente ecclesia, Conciliis celebratis, primo Rhemis, secundo Pisis, in papatu confirmatur, & Petrus ab omnibus Gallia & Germania episcopis anathematizatur. Petrus Cluniacensis abbas, qui vna cum Gaufrido Carnutū episcopo huic Concilio interfuit, de hac Synodo haud dubie id intelligi vult, quod epistola 17. ad Innocentium scripta conquerens ait, non longe a Ponte Tremolo Italiae opido plurimos Galliae episcopos & abbates a Synodo reuertentes captos, vulneratos, & in carcerem coniectos esse.

Episcopi a Synodo reuerſi ſpō- liantur.

Ex gestis abbatum sancti Laurentii reuerendus dominus Ioannes Chapeauille canonicus & vicarius Leodiensis in annotationibus ad cap. 27. tom. 2. de hac Synodo ista refert: Anno 1135. Alexander Leodiensis episcopus apud Innocentium pontificem de simonia accusatus, & ab ipso semel & secundo ac tertio vocatus, cum venire tardaret, in Concilio Pisano deponitur. Quo duro nuntio percepto in tantam amaritudinem incidit, vt quasi vix confessione facta, communionemque percepta, & regulari vita ad sanctum Aegidium promissa, spiritum exhaurerit.



* CONCILIVM SVSESSIONENSE AVCTORITATE LEGATI SEDIS APOSTOLICAE contra Petrum Abailardum sub Ludouico seniore Francorum rege celebratum ante annum Domini MCXXXVI. quo Ludouicus rex e viuis excessit.

NOTA.

Abailardus quis, & qualis, quaeque eius haereses.

* Concilium.] Otto Frisingensis lib. 1. cap. 47. de Friderici I. gestis, personam Petri Abailardi, eiusdem hereses, & acta huius Concilii describens ista ait quae sequuntur: Petrus Abailardus ex ea Gallia prouincia, quae nunc ab incolis Britannia dicitur, originem trahens. (Est enim praedicta terra clericorum, acuta ingenia & artibus applicata habentium, sed ad alia negotia pene stolidorum, ferax, quales fuerunt duo fratres Bernardus & Theodericus viri doctissimi) is, inquam, literarum studiis aliisque facetiis ab ineunte aetate deditus fuit: sed tam arrogans, suoque tantum ingenio confidens, vt vix ad audiendos magistros ab altitudine mentis suae humiliatus descenderet. Habuit tamen primo praeceptorem Rozelinum quemdam, qui primus nostris temporibus in logica sententiarum vocum instituit, & post ad grauissimos viros Anselmum Laudunensem, Guilielmum Campellensem Catalauni episcopum migrans, ipsorumque dictorum pondus, tamquam subtilitatis acumine vacuum iudicans, non diu sustinuit. Inde magistrum induens, Parisius venit, plurimum in inuentionum subtilitate non solum ad philosophiam necessariorum, sed & pro commouendis ad iocos animis hominum vtilium valens. Vbi occasione quadam satis nota non bene tractatus, monachus in monasterio sancti Dionysii effectus est. Ibi die nocturne lectioni ac meditationi incubans,